

忍饑壽昌金粟三峯三和尚等所說吞聲忍氣及氣急殺人之語可見此陰神此陽神似同而實有不同之妙學仙佛者不可執此便謂全同大用止乎如此則輕視仙佛等之和尙凡夫禪矣當悟所以有六種震動陽炁自來陽神自覺之妙而後可謂之胎神見性真定

十七問曰仙佛既同一道一修而又有食葷食素之異得無畢竟有戒無戒之不同乎答曰齋戒俱同而更嚴密天德清淨純素人不齋戒清淨不合天之德矣安能證居帝聖仙真之位乎子盍觀之道藏內有太上洞玄靈寶業報因緣經云

人造善業則有善報造惡業則有惡報

道藏輯要

仙佛合宗語錄

李

畢集二
川文八

太上道君言始自發心終於極果念念不捨持戒不犯上下有異

有三洞眾戒三戒五戒六戒七戒八戒九戒初真十戒十二可從戒十四持身戒二十四戒二十七戒三十六戒正一七十二戒昇玄內教百二十九戒洞玄上品四十戒中品六十戒下品八十戒共一百八十戒也上清三百觀身戒洞神七百二十戒玄都律文天尊十戒千二百威儀戒金紐太清陰

陽戒

太上虛皇四十九章經之齋戒章云天尊曰

此元始天尊所說之經也

齋戒者道之根本法之津梁子欲學道清齋奉戒念念正真邪妄自泯一切眾生捨清淨域耽嗜葷羶而以觸法譬之餓鬼啗食死屍火燒饑腸無有飽滿又如蠅虫爭奪臭腐妄爲羶香而以觸法五官溷濁六腑不淨屍魄欣昌樂於死地子當割嗜欲根入清淨境無作諸苦無造諸惡無生諸見無起諸邪子觀戒文同世法律欲有所犯懼金木刑子於戒文精意奉持凜然在前如對所畏秉心正嚴滅一切想諦聽不二可會正真是吾弟子又苦樂先後章天尊曰學道之士斷諸愛欲卻絕肥鮮長齋清腸研味至道是爲苦中求樂能知其苦不見其苦吾道苦而後樂眾生樂而後苦今吾告子當明慎之又不殺章天尊曰子

道藏輯要

仙佛合宗語錄

卷

畢集二

欲學吾道慎勿懷殺想一切諸眾生貪生悉懼死我命卽他命慎勿輕於彼口腹樂甘肥殺戮充啖食能懷惻隱心想念彼驚怖故當不忍啖以證慈悲行又清淨章天尊曰學道之士以清淨爲本長齋眇思嘯歌太無覩諸邪道如覩仇讐遠諸愛慾如避臭穢除苦惱根斷情愛緣溟溟濁海自得淨戒如白蓮花生於泥中亭亭出水不受污染五臟清夷三田草素太玄真人自與子鄰

子者天尊指妙人而言前子等行真皆同

又洗心章天尊曰六根不淨當洗其心心不受垢自無諸穢元始洞真報恩成道經元始天尊言孝道慈悲好生惡殺食肉飲

酒非孝道也靈寶出家因緣經道言勤修行業長齋奉戒精研
上道轉神入妙念念增進永不退墮克得道真太上洞真智慧
上品大誠云修齋求道皆當一心請奉十誠又云長齋奉誠自
得度世洞真智慧大戒經天尊言不殺不淫不盜減酒節行調
和氣性又云人不持戒則智慧不通洞玄靈寶因緣經云此十
戒者自三清以下乃至十方上聖真仙莫不皆由持此戒也又
云眾生飲酒食肉致生病惱彌益罪根吾不飲不食抱道自然
變化無方長生不死虛皇天尊十戒文云不得殺害含生以充
滋味不得淫邪敗真不得飲酒食肉元始天尊說九真妙戒云
不殺不淫不嗔不二奉戒專一太上十二品法輪勸戒經元始

道藏輯要

仙佛合宗語錄

卷

畢集二
又上

天尊言欲受戒時先須清淨受真戒者不得屠殺不得邪淫縱
恣嗔怒不得飲酒食肉使戒根牢固如玄都山戒相端嚴如玉
京殿戒德光明如琉璃珠太極真人二十四門戒經云戒約煩
惱隔絕魔心努力勤修早求解脫老君二十七戒云戒勿費用
精神戒勿食含血之物戒勿忘道戒勿殺生戒勿爲諸惡老君
五戒文曰戒者防其失也又化胡經十二戒云戒飲酒戒食肉
戒淫戒言語戒恚怒洞玄靈寶千真科戒云出家不交世俗不
作有爲功德靜思入定降伏外魔名爲淨戒玉匱明真科戒云
棄色斷情長齋持戒靈寶元陽妙經云有持清淨法戒者則得
真道太微徹視經云學道修真念念持齋心心不退歸心於寂

直至道場又云學道者不勤行業不修齋戒難達至真玉皇本行集經云奉戒持齋冥心大道七百二十門要戒律訣文經云此戒文經名也

長生神仙要在清齋志學之士急務修齋齋真齊心守戒爲主
主以制心悉當清齋以戒情慾一切貪生智愚不同一識既動
無端競興外來曰動內住曰寂來不驚寂去不勞動動而不勞
不離寂也寂而不驚不疑動也寂照明徹故無驚疑無驚疑者
常樂常住住無所住爲而無爲爲道之最又曰變化無窮由悟
守一守一須資唯戒爲急持之不虧邪不得入自然混合與道
同真由戒入道故謂之門普勸行人悉令持戒究竟歸根同成

道藏輯要

仙佛合宗語錄

卷

畢集二

正道識悟既明終持一戒一戒者唯戒於心不起他念也胎息
伏陰經云若不持戒行未入胎息豈得合神太微靈書紫文仙
忌真記上經云人雖有仙相復有敗仙相者十條犯而敗之亦
不得仙矣一曰淫魂液外漏精光枯竭神焦魄散二曰酒魂忘
本室魄遊怨宅七曰勿食肉食則神不守真魄生邪勃九曰勿
殺生以罪求仙仙甚難也太上靈寶大乘妙法蓮華真經

昔世尊得仙授妙法蓮華經而成佛故後亦說妙法蓮華經
云佛告菩薩天人四眾吾四方求法時有仙人言有大乘名
妙法華經我卽隨仙精勤給侍令無所乏令我具足大波羅
密成等正覺又曰昔者仙人授佛妙法如來因之遂致成佛

是也後人講此經者謂仙卽阿私陀也

其七傷品有一之傷帶真行偽淫色喪神魂液洩漏精光枯乾
氣散魄零骨空形振與凡塵結因玉府同符豈復得仙二之傷
外形在道皮好念真而心抱陰賊凶惡內臻三官所記標爲惡
門三之傷飲酒洞醉損氣喪靈七之傷啖食六畜之肉殺害足
口之美梟氣充於臟腑真氣擾於靈門圖有立名帝簡亦不免
於不死元始天尊曰爲學之本當以七傷爲急不犯七傷之禁
將坐待靈降白日昇宸如外勤好學內不遺於七傷者此將望
成而反敗期生而反亡故上學有七傷也又云學道者要在行
合真科然後始涉大道之境若自不能徒勞於風塵無益生命

道藏輯要

仙佛合宗語錄

卷

畢集二

之修短其諸經之言齋言戒者有如此又太極左仙公云

仙公是天官職位之稱

學道不修齋戒亦徒勞山林矣戒者戒諸惡行若不持戒道無
由得葛仙翁云學道修仙先修戒行葉法善從太極紫微左仙
卿下降在胎十五月而生出胎天然不茹葷呂純陽真人律詩
云齋戒興工成九轉定應入口鬼神驚又云齋戒餌之千日後
等閑輕舉上雲梯又敲爻歌云齋戒等候一陽生便進周天參
同理劉海蟾真人云但知恬淡無思慮齋戒寧心節言語重陽
王真人云寂然刀圭根本齋戒換西東時中十二常常覺照內
調神炁玉爐功又云酒飲清光滑辣肉餐軟美香甘世人迷誤

總無厭個個臨頭路險獨我悟來口遠唯予省後心嫌十分戒
行愈精嚴沒分艷都赴點又云受寂寥餐素又云性亂因醜悞
精枯緣色妬又云化道王三已棄家豕羊滋味久相趨音渣又云
大凡學道不得殺盜飲酒食肉破戒犯願張虛靜天師心說云
齋戒以神明其德邱長春真人語云去聲色以清淨爲娛屏滋
味以恬淡爲德馬丹陽真人語云優游恬淡養真人不須酒肉
與葷辛酒爲亂性之藥肉爲斷命之物直須不吃爲上又云分
明說與出家人戒斷腥羶厭五辛又云腥羶未戒斷了慈悲又
云腥羶戒盡常餐素掛體唯麻布待百朝鎖鑰重開効吾師內
顧又云全戒腥羶及戒辛又云齋食不可美之又美更何須異

道藏輯要

仙佛合宗語錄

卷

畢集二
又文上

饌多般但一味而已又云奉勸同流聽仔細斷葷戒酒全容易
又云垢面蓬頭推壯銳粗衣淡飯遠輕肥又云我在俗時秤肉
斗酒不厭而今已戒十數年矣他如食肉飲酒的亦可做得神
仙只是較遲了些若人心不懷道嗜酒貪羶徒恣口腹罪報難
逃終爲下鬼盤山王棲雲真人語云酒肉吃了便可飛昇也休
吃白玉蟾真人云辟穀斷葷蕭紫虛云閉關絕俗及腥羶陸師
云大戒三百以杜未兆之慾薩真人云道法於身不等閑思量
戒行徹心寒十年鐵樹開花易一入艷都出世難李雲卿真人
云上真高仙必須精持戒行來問道者皆贈以絕慾斷葷四字
是眾仙翁之言齋言戒者又如此未嘗不言齋戒也者所以我

祖師北七真皆齋戒卽於現在世而速成道我所以獨言齋戒
之同於佛宗者亦以北七真此證有在也後之人學道之志不
篤修行之念未真故不以齋戒而浴德又且無由見藏教經錄
之爲誠故不知齋戒爲首務倘有夙緣繼起於邱真人之門而
欲修天仙者不可不遵天律自齋戒始又問佛宗戒殺戒葷之
說云何答曰梵網戒經云佛言若自殺教人殺乃至一切有命
者不得故殺是菩薩應起常住慈悲心方便救護一切眾生而
反恣心殺生者是菩薩波羅夷罪

波羅夷者此云極惡謂殺生者爲極惡之人永棄絕於佛法
之外不得稱爲佛子菩薩也此是十重戒之一

道藏輯要

仙佛合宗語錄

矣

畢集二
X 8 X

又云一切肉不得食夫食肉者斷大慈悲佛性種子是故一切
菩薩不得食一切眾生肉食肉得無量罪故食者犯輕垢罪
輕垢者此東土云玷污淨行爲垢較前十重則輕此乃四十
八條輕戒之一耳

楞嚴經云其心不殺則不隨其生死相續殺心不除塵不可出
如不斷殺必落神道當知是食肉人皆大羅刹鬼又云不踢生
草云何取眾生血肉充食楞伽經云大慧白佛言願說食不食
肉功德罪惡令眾生慈心相向各於住地清淨明了疾得究竟
無上菩提佛告大慧有無量因緣不應食肉我今略說一切眾
生從來展轉因緣常爲六親以親想故不應食肉令修行者慈

心不生故不應食肉以殺生者見形起識深味著故不應食肉
彼食肉者諸天所棄故不應食肉令口氣臭故

凡食羶則口吐羶氣食腥味則口吐腥氣故不得證清淨地
不應食肉空閑林中虎狼聞香故不應食肉

聞香者聞腥羶之氣也人本不腥羶若食腥羶之肉則人身
始有腥羶之氣虎疑爲腥羶之物而食之世傳言虎食人見
人足而泣始知爲腥羶之誤也

凡食作食子肉想不應食肉聽食肉者無有是處

此言上乘大乘二乘四果凡夫俱戒食肉若許修行食肉則
敗修行功德故於五目禪類皆無是處

道藏輯要

仙佛合宗語錄

卷

畢集二

我說一切悉斷如來應供等正覺尙無所食

到等覺地位則齋素飲食尙且全然不食

况食魚肉視一切眾生猶如一子是故不令食子肉由此三經
觀之捷見身心切害則知不可不戒殺諸生戒食諸肉而仙佛
之貴於必戒者大約皆同於此

十八問曰仙教中有以點化成銀服食昇仙爲言者佛教中不
言此必此爲仙佛之所以異乎答曰不異然不異亦有所徵由
佛所言點化服食之說在華嚴經久矣經之七十八卷云有藥
汗名訶宅迦人或得之以其一兩變千兩銅悉成眞金者此點
化之言也又云有藥名大蓮華其有服者住壽一劫又云人服